
PRAVILNIK

O POSTUPKU AKREDITIRANJA ORGANIZATORA VOLONTIRANJA (Objavljeno u "Sl. novine FBiH", br. 39 od 22 maja 2013)

Član 1.

Ovim pravilnikom uređuje se uvjeti i postupak za akreditiranje organizatora dugoročnog volontiranja i druga pitanja od značaja za akreditiranje organizatora volontiranja.

Član 2.

Federalno ministarstvo pravde (u daljnjem tekstu: Ministarstvo), na zahtjev organizatora volontiranja izdaje akreditaciju za organiziranje dugoročnog volontiranja.

Član 3.

Organizator volontiranja podnosi zahtjev za organizovanje dugoročnog volontiranja.

Član 4.

Organizator volontiranja dužan je Ministarstvu uz zahtjev za akreditaciju za organiziranje dugoročnog volontiranja dostaviti:

- 1) podatke i dokaze o sebi kao pravnoj osobi,
- 2) opis volonterskih aktivnosti i usluga koje će obavljati volonteri,
- 3) podatke o prostoru gdje se obavlja volontiranje,
- 4) podatke o korisniku.

U slučaju podnošenja nepotpunog zahtjeva, Ministarstvo će zatražiti od podnosioca da dopuni zahtjev za akreditaciju u roku od 15 dana.

Ako podnosilac zahtjeva u roku iz stava 2. ovog člana ne dopuni zahtjev, Ministarstvo će zahtjev za akreditaciju odbaciti.

Član 5.

U Ministarstvo o izvršenom upisu donosi rješenje.

Akreditacija za organiziranje dugoročnog volontiranja izdaje se na pet godina.

Evidenciju, koju vodi Ministarstvo upisuju se podaci iz prijave, registarski broj organizatora volontiranja i broj i datum donošenja rješenja.

Član 6.

Svaku izmjenu podataka iz evidencije, organizator dugoročnog volontiranja je dužan prijaviti Ministarstvu u roku od 15 dana od dana nastupanja promjene.

Uz prijavu iz stava 1. podnose se i dokazi o nastaloj promjeni.

O izvršenoj promjeni upisa Ministarstvo donosi rješenje.

Član 7.

Ministarstvo, na osnovu zahtjeva organizatora dugoročnog volontiranja ili u slučaju kršenja Zakona, donosi rješenje o brisanju organizatora dugoročnog volontiranja iz evidencije.

Član 8.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-2-353-02/13

09. maja 2013. godine

Ministar Zoran Mikulić, s. r.